



Publicaziuns dalla vischnaunca, jamna 44

Cussegl da vischnaunca

Il cussegl da vischnaunca seraduna **mardis, ils 14 da november 2023**, allas 19.30 en halla Cons.

Tractandas:

1. Protocol 25-2021/2024
2. Preventiv 2024 (messadi 43-2021/2024)
3. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

Clom d'urgenza 118

Preziadas vischinas, prezias vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!
Vos Pumpiers Sursassiala

Biblioteca populara Disentis/Mustér e contuorn

Cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? **Venderdis, ils 10 da november 2023** allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Mats selegra fetg sin tei.

Kino en biblioteca

A caschun dalla notg da raquents svizra sut il motto «Viva la musica» envida la biblioteca ad ina sera da kino. **Venderdis, ils 10 da november 2023** dallas 20.00 - ca. 22.00, per affons navenda 8 onns.

Nus selegrein sin tia viseta.
Il team dalla biblioteca

Acziun pacs da Nadal

Era uonn rimnein pacs da Nadal per persunas basegnusas dall'Europa digl ost. Cun quella acziun savein nus purtar in grond sustegn e ventira el trest mintgadi. Dar giu tochen ils 17-11- 2023 tier Menzli Sport, Mustér. Dapli infos e flyers era el Café Goldmann ni sut www.weihnachtspäckli.ch

Aktion Weihnachtspäckli

Auch dieses Jahr sammeln wir wieder Weihnachtspäckli für bedürftige Menschen in Osteuropa. Mit dieser Aktion bringen wir eine grosse Unterstützung und Glück in den grauen Alltag. Abzugeben bei Menzli Sport, Disentis (bis 17.11.2023). Flyer mit mehr Informationen im Café Goldmann oder unter www.weihnachtspäckli.ch



Gruppa da teater d'affons e giuvenils Mustér

Preziai affons. Tgi da Vus ella vegliadetgna da 8 – 14 onns ha interess da giugar teater? Nossas emprovas ein adina il margis naven dils 5 da mars 2024 en halla Cons a Mustér, dallas 18.00/18.30 - 19.30/20.00.

Nossa produziuns han liug ils 13 entochen ils 16 da zercladur 2024. Bugen astgeis s'annunziar tier Tina Bundi, tel. 081 947 52 81, mail: tina@corsinbundi.ch

Invitaziun SENIORA-CA

Gievgia, ils 9 da november 2023 allas 13:30 en AUA VIVA. Motto: dessignar cun tecnica speciala – admirar - guder in bien refrestg.

Explicaziun: malegiar per tuts/tuttas vul dir ughegiar enzatgei niev ni persequitar quella nova tecnica e guder in bi suentermiezdi. Victor Bisquolm da Mustér ha explicau a mi: «Buca tema Linus - schizun in sco Ti che pretenda da haver negina idea da malegiar, sa far quei pass.» Victor ha dapi onns fetg grond success da mussar quella tecnica a classas ed en special a seniors/senioras en Svizra, Tiaratudestga ed Australia. Cun quellas 2-3 uras sa el prender naven tut sterment dil buca saver dessignar e laventar en nus il plascher da crear enzatgei – forsa schizun d'anflar ina nova occupaziun per sesez! Per saver organisar bein ils plazs ed il material, mo era il refrestg, supplichein da s'annunziar! Engraziel! Allas 13:15 uras ei in auto avon la halla Cons per tut tgi che drova transport!

Annunzia tochen mardis, ils 7 da november 2023 allas 17:00 a PUNTREIS sut 081 929 56 56

Cordial beinvegni
Team SENIORA-CA

Meisa da miezdi organisada da SENIORA-Ca e PUNTREIS

Entschatta: allas 12.15 en **PUNTREIS**

Gentar cun treis tratgas inclusiv aua dalla spina ed 1 caffè. Annunzia entochen allas 9.00 dil di alla PUNTREIS (tel. 081 929 56 56). La meisa da miezdi ei aviarta per mintgin/a.
